

Udruženje za lokalne razvojne inicijative (ALDI) Goražde raspisuje

JAVNI POZIV

za dodjelu grantova za provedbu projekata/inicijativa
nevladinih organizacija i neformalnih grupa građana

Udruženje za lokalne razvojne inicijative (ALDI) Goražde implementira projekat pod nazivom "TREBAMO VAS za budući razvoj zajednice", koji ima za cilj povećanje građanskog učešća u razvoju zajednice osnaživanjem građana da se zbliže u rješavanju svojih potreba kroz projekte/inicijative kako bi poboljšali životni standard u svojoj lokalnoj zajednici.

U partnerstvu sa Mrežom za izgradnju mira, u okviru USAID-ovog projekta Snaga lokalnog/ Podrška lokalnim resursnim organizacijama (LRO/A), ALDI objavljuje Javni poziv za dodjelu finansijske podrške projektima/inicijativama sa područja Bosansko-podrinjskog kantona Goražde.

Ukupna finansijska vrijednost izdvojena za podršku 3 mala granta iznosi USD 18.452,05.

CILJEVI POZIVA:

- Povećati učešće građana u razvoju zajednice na području Bosansko-podrinjskog kantona Goražde;
- Unaprijediti uslove življenja u lokalnim zajednicama u Bosansko-podrinjskom kantonu Goražde;
- Ojačati civilni sektor i kapacitete lidera u civilnom sektoru u Bosansko-podrinjskom kantonu Goražde;
- Uspostaviti međusektorska partnerstva i promovisati važnu ulogu civilnog sektora i građanskih inicijativa u razvoju zajednice.

KO MOŽE APLICIRATI?

- Nevladine organizacije sa područja Bosansko-podrinjskog kantona Goražde i
- Neformalne grupe građana.

ROK ZA PRIJAVU:

Poziv za prijem aplikacija otvoren je **od 26. jula 2024. do 19. avgusta 2024. godine.**

ŠTA PODRŽAVAMO:

- Inovativne projekte/inicijative iz različitih oblasti života koji odgovaraju na potrebe lokalne zajednice i kojim se direktno unapređuju uslovi življenja u Bosansko-podrinjskom kantonu Goražde;
- Projekte/inicijative koji promovišu građanski aktivizam i volonterizam i zasnovani su na volonterskom angažmanu aplikantata i promociji međusektorske saradnje;
- Prednost će se dati projektima/inicijativama koji uključuju veći broj građana iz lokalne zajednice u realizaciju projekta;
- Projekti/inicijative koji su usmjereni na rješavanje konkretnog i prioritetnog problema u lokalnoj zajednici ili zadovoljenje određene potrebe u zajednici;



USAID
OD AMERIČKOG NARODA



Udruženje mreža
za izgradnju mira

- Projekti treba da imaju dugoročan efekat u lokalnoj zajednici i dobru šansu da postanu samoodrživi i nakon završetka projekta;
- Projekte/inicijative koji pokažu vidljivu saradnju i podršku lokalnih partnera u zajednici (posebno lokalnih vlasti, ali i poslovnih subjekata, udruženja, pojedinaca, javnih institucija itd.). Poželjno je da aplikanti dostave potvrdu da će općina/grad ili drugi akteri sudjelovati u realizaciji projekta;
- Projekti/inicijative mogu trajati od 1 do 6 mjeseci (u periodu od oktobra 2024 do marta 2025);
- Aplikanti mogu aplicirati samo sa jednim projektom na ovaj poziv;
- Vrijednost podrške po jednom projektu/inicijativi je 6.150,68 američkih dolara (bez PDV-a), protuvrijednost u KM.

ŠTA NE PODRŽAVAMO:

Slijedeće vrste projekata/inicijativa, aktivnosti i troškova **nisu prihvatljivi za primanje podrške:**

- Isključiva investicija u infrastrukturu i/ili renoviranje (putevi, zgrade ili drugi objekti, mostovi, mašine za počišćavanje vode i vertikalne strukture kao što su saobraćajni znakovi, ulična rasvjeta i sl., iskopavanje, korištenje bagera i sličnih mašina);
- Poboljšanje ili promjenu postojeće nekretnine kako bi se omogućila njena dalja ili učinkovitija upotreba unutar predviđene svrhe ili uređenje za promjenu namjene, ali možemo podržati nestrukturane kozmetičke radove koji uključuju farbanje, krečenje, podove, zidne obloge, postavljanje polica;
- Poboljšanje ili nadogradnju mehaničkih, električnih ili drugih građevinskih sistema, ali možemo podržati zamjenu već postojeće rasvjete bez zamjene vertikalnih konstrukcija;
- Projekti/inicijative namijenjeni za individualnu dobrobit – projekti/inicijative koji nemaju široki društveni značaj;
- Isključivu nabavku opreme ili materijala, osim u slučajevima kada se projekat ne može realizovati bez određene opreme i u tom slučaju iznos potraživanja za opremu ne smije prelaziti 30% vrijednosti traženog granta (neformalne grupe koje kroz projekat nabave opremu dužne su svu kupljenu opremu donirati lokalnoj organizaciji ili instituciji po završetku projekta); (napomena: pod opremom se podrazumijevaju svi artikli minimalne vrijednosti 200 KM, a čiji vijek trajanja/upotrebe je duži od godine dana);
- Projekti/inicijative vezani za političke stranke ili političke/stranačke prirode;
- Humanitarna pomoć (humanitarni paketi, direktna materijalna ili finansijska pomoć, itd.);
- Nabavka polovne opreme;
- Dodjela novčanih nagrada učesnicima/korisnicima u projektu tokom ili nakon projekta;
- Projekti/inicijative koji uključuju specifične zdravstvene usluge koje su već dio javnog zdravstvenog sistema;
- Ne podržavamo projekte/inicijative koji na bilo koji način štete okolišu, te u skladu s tim želimo skrenuti pažnju aplikantima da u realizaciji projektnih prijedloga vode računa da koriste biorazgradive materijale koji ne predstavljaju opasnost za okoliš i živi svijet;
- Kreditiranje trećih lica;
- Dugovanja ili troškovi servisiranja duga (kamate);
- Stavke koje se već finansiraju kroz neki drugi program;
- Sredstva za rezerve, pokriće gubitaka ili potencijalne buduće finansijske obaveze.

KAKVE PROJEKTE PODRŽAVAMO?

Kroz projekat će biti podržano 3 inovativna projekta/inicijativa koje najbolje oslikavaju potrebe lokalne zajednice i koje će direktno poboljšati uslove života građana u Bosansko-podrinjskom kantonu Goražde, demonstrirajući otvorenu saradnju među partnerima u lokalnoj zajednici, i koje će unaprijediti slijedeće oblasti življenja:

- **Ljudska prava i rodna ravnopravnost** (otklanjanje diskriminacije i osiguravanje ravnopravnosti);



USAID
OD AMERIČKOG NARODA



Udruženje mreža
za izgradnju mira

- **Dostojanstven rad i ekonomski rast** (razvoj sportskog, seoskog, kulturnog i industrijskog turizma na temeljima postojećeg naslijeđa Goražda);
- **Smanjenje nejednakosti** (obzirom da podrška ranjivim grupama nije dovoljna, te je saradnja sa udruženjima građana od strane Grada Goražde prepoznata kao dragocjena za potrebe preduzimanja mjera afirmativne akcije prema ranjivim grupama);
- **Održivi gradovi i zajednice** (razvoj kulturne i turističke djelatnosti uz podizanje socijalne atmosfere, odnosno morala građana i njihove želje za ostanak u ovoj zajednici).

IZNOS GRANTOVA I DOPRINOS DRUGIH LOKALNIH AKTERA:

Grantovi će biti odobreni uz aktivno uključivanje ostalih lokalnih aktera u provedbu aktivnosti obuhvaćenih odobrenim projektima (grad, NVO, lokalna preduzeća, stanovnici). To znači da korisnici grantova moraju osigurati finansijsku podršku (33% od iznosa dodijeljenog granta). Iznos granta po jednom podržanom projektu/inicijativi iznositi će 6.150,68 američkih dolara (bez PDV-a), protuvrijednost u KM.

Tačan iznos svakog pojedinačnog granta bit će određen na osnovu predloženog budžeta, uzimajući u obzir principe ekonomičnosti, efikasnosti i efektivnosti. U skladu s tim, Komisija za odabir projekata / inicijativa u zajednici, sastavljena od pet članova, može predložiti smanjenje i modifikaciju budžeta (uslijed čega se ukupni budžet predloženog projekta ne može povećati).

KRITERIJI ZA PROCJENU APLIKACIJA:

- **Relevantnost:** projekat treba biti usmjeren na rješavanje konkretnog i prioritarnog problema u lokalnoj zajednici ili zadovoljenje određene potrebe u zajednici;
- Predloženi projekat omogućava uzajamnu dosljednost. Odnos između svrhe, rezultata i predloženih aktivnosti je jasan.
- Problem je precizno opisan. Cilj projekta je jasno postavljen i u skladu je sa ciljevima projekta (opći cilj i specifični cilj).
- Prijedlog projekta jasno opisuje predložene aktivnosti građanskih konsultacija na lokalnom nivou.
- Budžet je u skladu sa predloženim aktivnostima. Predloženi troškovi su realni i poštuju se principi dobrog finansijskog upravljanja. Osigurana finansijska podrška (33% od iznosa granta) od strane lokalnih vlasti, lokalnih preduzeća, ostalih lokalnih aktera, privatnih donacija i sl.
- Aktivnosti su precizno i uspješno postavljene i u skladu su sa vremenskim okvirom.
- Izvodljivost i održivost (mogućnosti za održavanje i/ili poboljšanje rezultata projekta).

KAKO APLICIRATI?

Aplikaciju, zajedno sa traženom dokumentacijom možete dostaviti putem e-mail adrese: aldi@aldi.ba sa naslovljenim predmetom **Aplikacija za projekat: "TREBAMO VAS za budući razvoj zajednice"**. Ocjena poštovanja roka za dostavljanje aplikacije će biti datum i vrijeme koji će biti automatski generisani prilikom slanja emaila.

Ukoliko vam je potrebna podrška prilikom ispunjavanja aplikacije, možete se obratiti direktno u kancelariju Udruženja za lokalne razvojne inicijative (ALDI) Goražde ili na broj telefona 038/227-850 ili putem e-mail adrese: aldi@aldi.ba sa naznakom "TREBAMO VAS za budući razvoj zajednice".

Od formalno registrovanih nevladinih organizacija se traži da, pored ispunjene aplikacione forme i budžeta, dostave i sljedeću dodatnu dokumentaciju i to:

- Rješenje o registraciji (kopija).

Finansijska podrška neće biti dodijeljena projektima koji su nepotpuni, kao ni onima koji pristignu nakon navedenog roka ili ne budu dostavljeni na prethodno navedeni način, kao i onima koji dostave prijave na neodovarajućim obrascima.



USAID
OD AMERIČKOG NARODA



Udruženje mreža
za izgradnju mira

POSTUPAK ZA DOBIVANJE FINANSIJSKE PODRŠKE:

- Prijave s prijedlozima pristigle u propisanom vremenu od aplikantata;
- Procjena aplikacija od strane svakog člana Komisije i sastavljanje konačne liste rangiranih aplikacija;

U slučaju nejasnoća oko podataka sadržanih u prijavi, Komisija može zatražiti dodatne informacije od aplikantata. U tom slučaju će konačna odluka biti odgođena za slijedeći sastanak Komisije.

Komisija za odabir lokalnih projekata pregleda i ocjenjuje dostavljene aplikacije, zatim će sastaviti listu rangiranih projekata, uključujući i rezervnu listu. Lista rangiranih projekata će biti pripremljena i dostavljena " Mreži za izgradnju mira" radi pregleda i konačnog odobrenja.

Konačna lista odabranih projektnih prijedloga će biti objavljena na web stranici Udruženja za lokalne razvojne inicijative (ALDI) Goražde www.aldi.ba

Aplikanti čiji projekti budu odabrani za podršku će potpisati Ugovor o dodjeli grant sredstava sa Udruženjem za lokalne razvojne inicijative ALDI Goražde i tako postati korisnici grant sredstava.

Neformalne grupe koje dobiju podršku, svoj projekat će realizovati na način da će dobiti in-kind finansiranje projekta, koje podrazumijeva da će sve troškove nastale u toku trajanja projekta plaćati direktno Udruženje ALDI, a dužnost neformalne grupe je da pripremi predračune i dostavi ih Udruženju ALDI.

U Goraždu, 26.07.2024. godine



Meliha Gačanin
Udruženje za lokalne razvojne inicijative ALDI